

بسم الله الرحمن الرحيم
الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد
قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة ولادة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - المحدث : الألباني - المصدر : صحيح الترغيب - خلاصة حكم المحدث : صحيح

إزيكو ؟ عاملين إيه ؟؟ يا رب تكونوا بخير وفي أحسن حال يا رب دائماً
وربنا يعدي الأيام دي على خير ويسترها ويحفظ أحبابنا وأهاليها يا رب
كنت بدأت في محاضرة ال Physiology of invasive mechanical ventilation
وكان الأستاذ الدكتور محمد النادي اتكلم عن ال basic modes
وخلصت المحاضرة ولقيت تكملة للمحاضرة على اليوتيوب
فنزلت المحاضرة الجديدة وقولت أنقل الجزء الي اتقال في ال Modes
وإن شاء الله الموضوع يكون كويس ومفيد بإذن الله
النهاردا يوم الاثنين الموافق 20 أبريل 2020 ، قبل أيام من رمضان ، ربنا يتقبل يا رب وسامحونا لو فيه أخطاء في الكتابة
وربنا يجازي الأستاذ الدكتور محمد عبدالحكيم النادي خير الجزاء على الشرح الممتع

Mechanical ventilation : Basic & Advanced modes

عايزين نقول إيه يا جماعة في ال Modes ؟؟

ال modes فيه asynchrony (العيان مش متأقلم على الجهاز ، العيان مش مبسوط ، العيان مش مستريح)

العيان ممكن يكون مش مستريح من ال Mode ، وممكن يكون مش مستريح من الدكتور (منك ☺)
فالحل الأمثل ، إنك تعمل sedation !!

عارفين ليه الحل الأمثل إنك sedate ؟؟

طبعا الدكتور محمد بتيريق

هو العيان ليه brain ، اسمه patient's brain
وال ventilator والدكتور ليهم مخ ، اسمه physician's brain
فإنت عشان تريخ دماغك توقف مخ العيان
ودا طبعا غلط ، لأن لما بتعمل كذا ، يبقى فيه Prolongation ال ventilatory time ودا ممكن يدخل العيان في ال Muscle atrophy
الي إحنا اتكلمنا عليها وال weaning هيبقى delayed
طيب ،
سهل جداً تشوف في الغابة العربية دخلت على العربية وركبت العربية ، دا بقى نفس الكلام بالنسبة لل ventilator's modes

أول حاجة بنتفق عليها ،
اسمها سلام مربع للجذعان

VISIT...

LANZAROTE
Caliente.COM

إيه؟؟

يقولك : لما تلاقي فيه عندك عيان متفتل ,, هتبص لل Pressure وال flow وال volume
هتشوف مين ال Square

- لو كان ال flow هو ال Square << يبقى دا غصب عني volume controlled ventilation
- لو كان ال pressure هو ال Square << يبقى دا pressure controlled ventilation

تقولي : يعني ال volume داخل باسم مستعار؟؟
أيوة ,,

داخل باسم مستعار (ال flow) ,, ال volume داخل باسم مستعار (ال flow)

فأنا أبص أشوف مين ال Square << ال Pressure ولا ال flow
لو ال Pressure << يبقى Pressure controlled ventilation (أو Pressure support ventilation)
ولو ال flow << يبقى volume controlled ventilation

لحد دلوقتي : الكلام كدا كويس؟؟
إن شاء الله ,, كويس

طيب ,,

خد المعلومة الأوقع ,, دا Pressure controlled ventilation ,,

✓ لو ال flow بتاعك بينزل لل zero ,, يبقى دا Pressure control

✓ ولو ال flow بتاعك بينزل قبل ال zero ويطع ويكمل ,, يبقى اسمه pressure support

لأن ال pressure support (flow cycled)

لكن ,,

ال pressure controlled (time cycled)

تقولي : استنى استنى ,, يعني إيه cycled؟؟

ال Cycle ,, يعني إزاي الدورة بتنتهي ,, لو بتنتهي بالوقت ,, يبقى لازم توصل للصفر (يبقى دا Pressure controlled)
ولو بتنتهي بال flow (ال flow قل عند 25 أو 65 أو 75 ,, يبقى دا اسمه pressure support)

يبقى أنا فهمتك دلوقتي ,,

إزاي أعرف ال volume من ال Pressure

بص على مين ال Square ,,

لو ال flow << volume controlled ventilation

لو ال pressure << يبقى pressure controlled ventilation (أو Pressure support ventilation)

في ال flow بقى بتاع ال pressure controlled ventilation ,,

لو بيوصل لل base line << يبقى ده Pressure controlled ,, لو مبيوصلش يبقى pressure support

لحد دلوقتي ,,

الكلام كدا كويس؟؟ بإذن الله

خُذ بالك ,,

من الحنة بتاعت ال Pressure support ,, إنت عايز ال inspiration يخلص إمتي؟؟

تقولي : والله أنا عايزه يخلص بدري ,, عشان العيان يلحق يخرج ,, يبقى تخليه cycled عند 75 ,, بدل ما يوصل ويرح عند 30 لأنك بتلعب في ال inspiratory time يبقى دا فائدة ال Pressure support ventilation ,, إن أنا ممكن أجي أقول لل ventilator : لو سمحت cycle عند 25 ,, cycle عند 35 ,, أبقى فاهم ال rationale لو obstructive << أخليه cycle بدري لو restrictive << أخليه cycle متأخر ماشي ,, إحنا بس بنأخذ فكرة ,, وهنتكلم على ال Modes دلوقتي بإذن الله

إنت بتقولي هنا : **العيان ده بيعمل effort ولا مبيعلمش؟؟**

مبيعلمش ,, يبقى دا controlled

فيه effort ,, يبقى دا patient trigger (يبقى دا إما يكون assisted controlled ,, يا إما spontaneous)

إيه اللي عرفني؟؟

عشان العيان ال curve بتاعه نازل تحت ال PEEP

(نأخذ بالنأ ,, عشان العيان محطوط على PEEP ,, يبقى ما تحت ال PEEP اسمه negative ,, لكن الأصل ال negative هو اللي تحت ال PEEP يا رب تكون مفهومة)

لو ممكنش فيه PEEP ,, هتلاقيه بينزل تحت ,,

لو كان فيه PEEP يبقى هينزل تحت ال PEEP

يبقى أنا كده عرفت إمتى العيان initiate؟؟ وإمتى مش ها initiate؟؟

إيه أنواع النفس اللي ممكن العيان يتنفسها؟؟

إحنا اتفقنا ,,

يا إما كل المجهود قايم بيه الجهاز ,, الجهاز هو ال initiate ,, و maintain ,, و terminate << دا اسمه mandatory

ال spontaneous ,, هو العيان اللي ب initiate ,, maintain ,, terminate

طيب ,,

لو العيان هو ال initiate ,, وال ventilator هو ال maintain and terminate << يبقى اسمه assisted

لو العيان هو ال initiate ,, و terminate وال ventilator هو ال flow ويعمل cycle << يبقى اسمه supported

دول أربعة type of breaths

وفيه واحد خامس ,, اللي هيعرفه ☺ هديله 100 جنيه ☺

كام نفس العيان ممكن يتنفسه على ال ventilator؟؟ أربعة

Mandatory, spontaneous, assisted and supported

ال mandatory كله شغل الجهاز (the machine initiate, maintain and terminate)

ال spontaneous (the patient initiate, maintain and terminate)

ال assisted (the patient initiate, the machine cycle and terminate)

ال supported (the patient initiate and terminate, the machine cycle)

لما أقولك : فيه مية جنيه ☺ تأكد إنك مش هتجاوب ☺

هو ال Airway pressure release ventilation (APRV)

دي اسمها release breath ,, اسمها release breath

يبقى كان فيه عندنا

Mandatory breath, assisted breath, supported breath and spontaneous breath

والنوع الخامس << release breath

أنا لسه متعلمها من يومين ,, ما هو دائماً يقولك كدا : اللي عايز يغسل الهدوم ,, لازم الأول يغسل إيديه

الي عايز يعلم حد ,, لازم يكون هو متعلم

يبقى ال release breath << دا نوع خامس من أنواع النفس

الي هو عبارة عن إيه ال APRV دا يا جماعة ؟؟

الي هو عبارة عن CPAP << interrupted

العيان بيتنفس ب Pressure high ,, و ب pressure low

وما بينهم بيتنفس بأنه يوقع ال Pressure يأخذ نفس ,, ويرجع تاني maintain ,, ينزل ,, وبعدين يأخذ نفس

مش مشكلتنا دلوقتي ,, هتيجي بعدين بإذن الله بس تبقى عارفها

يبقى فيه كام نوع من الأنفاس الي ممكن العيان يتنفسها وهو على جهاز التنفس الصناعي ؟؟

خمسة ,,

أربعة منهم very common

يا شغل جهاز ,, يا شغل عيان ,, يا بين العيان والجهاز

إنت بقى عايز تكلمني عن إيه ؟؟

عايز أكلمك عن كلام معلش أول مرة تسمعه ,, هنبتي منين الكلام ☺

هقولك : والله إنت عايز تفتل العيان invasive (يعني endotracheal tube)

هتديله full support ولا partial support ؟؟

ال Partial support حاجتين :

• يا SIMV

• يا Pressure support ventilation

وهنحكيهم بإذن الله

ال full support :

• Continuous mandatory ventilation

• يا volume (بس خلي بالك ال volume إحنا قولنا داخل باسم مستعار الي هو ال flow)

• يا Pressure

يبقى أنا عايزك تعرفلي حاجتين :

جهاز التنفس الصناعي ,, كيف يمكن له توليد Pressure ,, وكيف يمكن له التحكم في volume (أو التحكم في flow) ؟؟

دا مهم ,,

يبقى أنا هنا ,, لازم أقول how do the ventilator work ؟؟ ال ventilator بيشتغل إزاي ؟؟

هيفرق معاك ؟؟

أيوة ,, هيفرق معايا

عارفين هيفرق معايا في إيه؟؟

النهاردا لما تقولي : أول ما العيان اتفتتل في التمانينيات ,, كانوا بيحطوه ,, ولما تيجي تفتح ال ventilator كدا تلاقي مخدة ,, اسمها ventilator pillows وبعد شوية ,, قالك : هنعتمد على ال pressurized wall gases (المواسير بتاعت الحيطان)

أقوم أنا سألك السؤال الي وراه ,, **طب وال ventilator دا بيشتغل إزاي؟؟**
تقوم ساكت ,, لأنك متعرفش فيه حاجة اسمها التوربينات الي بتولد الضغط
منا لو معنديش pressurized wall gases ولا pillows هولد ضغط إزاي !!

الحاجة الثانية

لما أجي أقولك : أنا عايز ال Inspiratory flow < 60 liters في الدقيقة ,, أو 30 liters في الدقيقة

إيه الي يحدد؟؟ لو إديت Pressure معين ,, هيديني flow أد إيه؟؟

قالك : فيه صمام تحكم ,, اسمه scissor valve (هو الي يقولك هدي flow كام)
أو يقولك : ال ventilator بيحسبها ,, ما ال flow ده بيساوي volume على time (ال volume أنا الي حاطه ,, وال time أنا الي يحسبه ,, يبقى ال ventilator يحسب ويطلعلي ال flow)

يبقى أنا عايزك تعرف لي حاجتين :

how do the ventilator work ,, إزاي ال ventilator يعمل pressure؟؟

إزاي ال ventilator يحدد volume (flow)؟؟

كويس كده ,, بإذن الله

أول ما طلعت ال ventilators ,, كانت شغالة بمخدرات ,, مضخات الهواء

طبعا دي كانت complicated وكانت في ال volume controlled ,, وبتخلي الجهاز شكله كبير وكنا بنقف عليه وبنغير الدنيا وبنضربه بالشلايط ويفضل شغال ,, حمار شغل زي تليفون النوكيا بتاع زمان

أو تبقى واحدة ال Pressure من ال gas line (الي هي المواسير والخراطيم بتاعت الحيطان)
أو ال More sophisticated < التوربينات

إزاي ال ventilator بيعمل flow؟؟

حاجتين :

- Volume over time
- scissor valve

ال scissor valve طبعا كلكم شوفتم فيلم شيء من الخوف ,, لما محمود مرسي كان قافل الهاويس والأرض كانت بتموت وجت شادية وفتحت الهاويس دا اسمه scissor valve
ال scissor valve لما تلعب فيه ,, بيتندي يطلعك flow ,, على حسب ما تفتح بكام ,, هيدليك أد إيه

سهلة؟؟

اسمه servo valve the scissors (هو دا الي بيحدد لك ال flow الي هيدخله ال ventilator)

هو خد Pressure ,, بس هيزق أد إيه؟؟ هذا هو السؤال



وبعض الناس يقولك : دا ممكن ال flow دا يتم تحديده عن طريق ال gas
وال gas يعدي على حاجة اسمها theortical flow ,, وال flow عن طريق Microprocessors و electromagnetic
مليش دعوة أنا بالكلام ده خالص ☹️
أنا يهمني ,,
إنه هيحدده عن طريق scissor valve
أو هيحدده عن طريق إنه يأخذ ال tidal volume يقسمه على ال inspiratory time
وشكراً

How do the ventilator work

Generating pressure ,, creating flow
Generating pressure ,, مر بتلت مراحل (pillows ,, gas wall ,, توربينات)
Creating flow ,, عن طريق (scissor valve أو mathematical عن طريق إنه يأخذ ال tidal volume يقسم على ال
(inspiratory time
لحد دلوقتي الكلام حلو ,, بس لسه متكلمناش على ال Modes
ال Modes ,,
إحنا عندنا traditional modes ,, و new modes
بس قبل ما نبتدي الكلام ,,
نقول : ال new modes ما أضافتش جديد لل traditional modes

أومال مين اللي هيضيف جديد وقديم ,,
إنك تبقى aware بال mode
تبقى فاهم إنت راكب إيه ,, اللي راكب ويسوق FIAT 128 ,, زي اللي راكب ويسوق مرسيدس
الأثنين بيوصلوا ,, بس المهم تبقى عارف إمكانيات الفتيس ,, المانيوال والأتوماتيك
خلاص ؟؟

خلي بالك من ال dilemma ,,
كل شركة بتختار Mode تسميه بإسم ,, وتديله abbreviation
ال V ممكن ترمز لل ventilation أو volume
ال P ممكن تكون Pressure أو proportional
ال B ممكن تكون breathing أو biphasic
ال S ممكن تكون spontaneous أو supported أو synchronized
واخدين بالك من ,, مدى المشكلة أد إيه ؟؟
لكن ,,
هنحاول بفضل الله نبسطها كويس

إيه اللي حصل في ال ventilator القديمة وال ventilator الجديدة غير المسخرة اللي بقينا بنشوفها اليومين دول ؟؟

هتكلم على ثلاثة Modes ,,

تقولي : إنت عايز تفتتل العيان إزاي ؟؟

هقولك : والله أنا هفتتله يا ب volume ,, يا ب Pressure

وكل واحد فيهم ,, يا controlled ,, يا assisted control

طبعاً

ال ventilators القديمة فعلاً محترمة زي ما قولنا زي التليفونات النوكيا القديمة ,, بس المهم تعرف تسوق

أنا فيه عندي :

يا إما spontaneous ,, يا إما mechanical

وال mechanical :

- يا volume targeted (اللي إحنا سميناه flow)
- يا إما pressure targeted

خد بالك بقي ,,

أول ما تبص على slide فيه curves ,,

وتلاقي ال square << موجود في ال flow << يبقى دا volume controlled

وال square << موجود في ال Pressure << يبقى دا pressure controlled

لو العيان ب initiate في ال pressure أو في ال volume

ب initiate يعني << trigger

يبقى دا اسمه assisted controlled

ولو العيان مبيعلمش initiation

يبقى اسمه زي ما قولنا controlled

لحد دلوقتي الكلام سهل

إن شاء الله ,, خد بالك ,,

أنا هفنتل العيان ب volume ولا pressure ؟؟

خد بالك ,, فيه عندنا 3 Ts

كام T ؟؟

ثلاثة

ال T الأولانية اسمها trigger

ال T الثانية اسمها target

ال T الثالثة اسمها termination

Trigger, target and termination

ال trigger ,, يعني العيان هيبتي إزاي ؟؟

ال termination ,, العيان هينهي إزاي ؟؟

ال target ,, الهدف منك إيه ؟؟ volume or pressure

حلو ؟؟

لو إنت هفنتل العيان ب volume << يبقى هتعمل monitor لل Pressure

في الحقيقة ,,

هو أنا هفنتله ب volume ولا ب flow ؟؟

ب flow

ولو إنت هتفتل العيان ب Pressure ,,

يبقى هتعمل Monitoring لل volume

ركز بقى معايا لو سمحت ,,

أول اتنين Modes معانا

لو تخيلنا ده volume ,, ودا Pressure

عايز يقولي هنا إيه ؟؟

عايز يقولي : ال volume في ال airway pressure متغير ,, لكن ال volume ثابت

يعني إيه ؟؟

أنا هفنتل العيان ب volume ,, ال volume دول 500 صح

بس لما يخشوا على airway مفتوح ؟؟ زي ما يخشوا على airway مقفول ؟؟

لا

يبقى ,,

إذاً ال volume اللي داخل على airway لو مفتوح ,, الدنيا تمام

ولو الدنيا متبيلة على عينه ومقفولة ,, يبقى لازم يكون فيه عندي حاجة اسمها pressure limit

عشان ال peak airway pressure هيتغير على حسب ال mechanics بتاعت العيان

ال C R مجنني ,, ال compliance ,, ال resistance

لو اتغيروا يلعبوا في ال Pressure

عشان كان بقوله إيه : أنا قفلتلك ب volume << 500 ,, بس دا هيجي على حساب إن ال peak airway pressure يزيد عن 60

وقف ال cycle ,, وإديني alarm ,, واقلب على apnea ventilation لحد ما أجيلك

عشان كده بقولك : دا اسمه volume cycled pressure vent

التاني ده ,,

مين اللي بي set ,, ال Pressure

طيب وال volume ؟؟

متغير

يبقى بيقولك : set the volume ,, وال Pressure هيبقى متغير

و set the pressure ,, وال volume هيبقى متغير

مين الأخطر ؟؟

ال volume ولا ال Pressure ؟؟

ال volume ,,

لأن ال volume بيلعب في ال Pressure ,, بيلعب في عداد عمره لو ارتفع

لكن ,,

ال Pressure ,, كل مشكلته ,, لو ال Pressure زاد ال volume هيقول ,, مفيش حاجة هتحصل
وال Pressure عمره ما هيزيد عن الي إنت عملت له setting (إنت حطيته مثلاً على 20 سم مية ,, مهما كان هو كل مشكلته لو ال
respiratory system compliance ,, ال R C لعبت وغيرت ,, يبقى ال tidal volume الي داخل هيقول ,, دا مشكلة ,, المشكلة في
الي هيفرقع لو الضغط زاد معاه)

طيب ,,

تقولي : بس فيه نقطة يا دكتور محمد إنت مقولتهاش ,, **إحنا ليه بنعشق ال Pressure ؟؟**

أقولك : عشان ال pressure << ال flow فيه decelerating

(أي إنسان طبيعي لما يجي يتنفس ,, مش بيتنفس كده ويأخذ نفس بسرعة ,, هل دخول الهواء كسرعة بتبقى زي نهايته ؟؟ لا
بيبتدي يقل تدريجياً ,, لكن ال flow الي هو عالي من أول ما دخل لحد ما خلص النفس ده مش فسيولوجي خالص ,, عشان كده ال
volume controlled ventilation ,, عليه علامة استفهام ,, لأنه لا يحاكي طبيعة الإنسان

ال flow فيه مش decelerating


لكن ,,

ال Pressure << ال flow فيه decelerating ,, حلو وجميل ,, زي ما أنا بأخذ النفس كدا ,, سريع في الأول ويبطأ

عشان كده يقولك : ال Pressure mode << ال volume mode Is more physiologic than the volume mode

إسمعنا ؟؟

لأن ال flow << decelerating (



بالراحة بقى ,,

لو شوفنا الصورة الي معانا ,,

مين ال square ؟؟

ال flow


يبقى دا إيه ؟؟

يبقى دا volume

العيان بيعمل trigger ؟؟

لا ,,

يبقى دا volume cycled controlled ,, ال flow Limited (ال flow ب limit ,, مش بيزيد)



الصورة الثانية ,,

مين ال square ؟؟

ال flow

يبقى دا إيه ؟؟

Volume

العيان بيعمل trigger ؟؟

أيوة ,,

يبقى دا اسمه assisted controlled volume

يبقى أنا قولتك عرفتك معلوماتين :

ال volume cycled ventilator ,, فيه منه نوعين :

• يا العيان مبيعلمش trigger

• يا إما العيان بيعمل trigger

controlled mode اسمها << trigger
assisted controlled mode اسمها << trigger

إيه اللي ثابت فيه؟؟
ال flow

وإيه العيب اللي فيه؟؟
إن ال flow ثابت

عشان كده ،، ال asynchrony ،، بتحصل في ال volume cycled ventilator
يقولك : العيان ربنا خالقه عنده Muscle قوية ،، يقدر يشفط جامد وإنه حاطط له flow < 40 meters في الدقيقة
وهو يقدر يأخذ 80 و 60 و 70

يبقى أنا كده إديتك اتنين modes ،،
عشان كده ،، يقولك : ال volume controlled ventilation ،، وأدي ال volume assisted controlled ventilation

خد بالك بقي ،،
هنا يقولك : ال volume controlled ventilation ،،
إيه رأيك في ال Pressure؟؟ هنا كان واطي وهنا بقي عالي ،، لكن ال volume ثابت
وهنا لما يعلى بيعلى براحتة ولا أنا أقوله فيه Limit؟؟
أقوله : فيه Limit ،،

يبقى ال Limit دا << is a physical parameter beyond which is not allowed to be exceeded
لأن لو عداه العيان ممكن يفرقع منك

بص بقي للحتى دي ،، جميلة أووووي أووووي ،،
إيه العيب هنا؟؟

العيب ،، إن العيان جاله bronchospasm ،، و wheezes (عض على الأنبوبة)
وإنه بتدخله volume ثابت ،، ما هو ثبات ال volume دا هيخلي ال Pressure يعلى مني
يبقى هنا لازم أروح ملين؟؟
لل limit


يبقى هنا لو سمحت ،،
عيب ال volume controlled ventilation غير إنه بيدي flow constant
إنه مبيحترمش ال compliance وال resistance
(لو اتغيرت ال compliance وال resistance ،، ال Pressure هيعلو معايا بالتدريج ،، لحد فين؟؟
لحد ال limit اللي إنت حاطه ،، إن ال Pressure ميزدش عن كذا ،، ولو زاد وقف ال cycle واقلب على apnea ventilation
واديني sounding alarm)

يبقى ،،

؟؟ What wrong with volume


قالك : ال Limited flow << May not meet the patient's desire

(العيان عايز يشفط أكثر ,, وال ventilator مش راضي يديله لأنه مضبوط على constant flow)
سهلة ؟؟
ياذن الله




لو المريض استمر في إنه يأخذ نفس vigorously ,, حاجة اسمها flow starvation
ولو ال peak airway pressure عدى ,, ممكن يفرقع لي العيان
حلو الكلام ؟؟

الصورة الي معانا ,, flow starvation
ال flow المفروض في ال Pressure time curve
ماشي straight
ولو لقيت فيه notch على تحت ,, يبقى العيان عنده flow starvation



خش بعد كده على ثاني Mode ,,
اسمه controlled pressure ventilation
عرفت إزاي إن دا pressure ؟؟
عن طريق ال square
مين ال square ؟؟
ال curve بتاع ال Pressure
ال عيان بيعمل initiate فيه ؟؟
لا ,,



يبقى ده controlled mode
طيب ولو كان العيان بيعمل فيه initiation ,,
زي الصورة الي معانا
يبقى assisted controlled mode
سهل ؟؟

خد بالك ,, بقى من اللي جاي
هنا بيقولك إيه ؟؟

عيان محطوط على pressure controlled ventilation
ال عيان جاله bronchospasm ,, ال Pressure هيتغير ؟؟

لا ,, ال Pressure ثابت

لكن ,, ال volume هو اللي هيقبل (لأن فيه resistance ,, فال volume يقل يقل يقل ,, وال pressure مش عارف يعمل حاجة)
عشان كده دائماً ,,

لما يجي العيان يبقى obstructed ,, أو عنده asthma ,, أو عنده COPD
متقولش أنا هفنتله ب pressure ,,

ما هو منتيل على عينه ال pressure بتاعه عالي ,, أول ما تحطله Pressure << 20 يوصل للعشرين ومجاوش tidal volume <<
300 ولا 200 ,, مش نافعين ,, خربانين

يبقى مشكلة ال Pressure controlled ventilation

هو قدر ي Mimic إن ال flow يبقى decelerating
لكن ،،

بيضحك عليا ،، لو العيان جاي ب obstruction ،، هيديني tidal volume تعبان

عشان كده يقولك : increased impedance of respiratory system

(ال compliance أو ال resistance زادوا ،، العيان مش هيبقى على ال ventilator عارف يدخل tidal volume الي كان بيدخله قبل كدا)

دا عيوب ال Pressure

بس خد بالك بقي ،،

ال volume كان عيبه حاجتين :

- ال flow خربان
- ال compliance لو باظت ،، ال Peak airway pressure هيعلى

ال Pressure عيبه حاجة واحدة بس :

- إن ال flow كان حلو وجميل ،، لكن لو ال compliance خربت وال resistance باظت ،، العيان هياخد Pressure أه ،،

لكن مش هيعرف يدخل بيه volume

حلو الكلام؟؟

كل ده ،، العيان ما بين حاجتين يا assist ،، يا controlled

هنتكلم على ال Mode الثالث ،،

SIMV

Synchronized intermittent mandatory ventilation

أول معلومة بقولها لك قبل ما أحط ال slide

ال SIMV يساوي ال CMV لو ال rate of the machine مساو لل rate of the patient

يعني لو إنت حاطط العيان على 10 respiratory rate ،، والعيان بيأخذ 10 أنفاس

يبقى ال SIMV يساوي ال CMV (Continuous mandatory ventilation)

هو ال SIMV هيبتدي يفرق إمتى؟؟

لما ال rate بتاع العيان يسبق ال rate بتاع ال machine

خلي بالك ،،

ال SIMV دا ممكن يكون volume ،، وممكن يكون pressure

إنت بتبص على ال flow


لو ال flow لقيته square << يبقى دا volume

وفيه spontaneous breaths أهي موجودة (الي في النص مشار عليها

بالشكل البيضاوي)

يبقى دا SIMV بحق ربنا

لو ال spontaneous breaths دول مش موجودين



وإنت حاطط العيان على ال SIMV

مبيقاش اسمه SIMV <<

يبقى اسمه CMV (continuous mandatory ventilation)

نبدأ المحاضرة الثانية من هنا ,,

الساعة الثانية و 11 دقيقة ظهراً يوم 20 أبريل 2020

الصورة الي فاتت ,, كانت pressure ولا volume ؟؟

Volume

خد بالك ,,

العيان لما بيأخذ negative pressure ,, ال tidal volume الي بيتأخذ أد الي كان العيان متظبط عليه ؟؟

لا ,, (أقل في الجزء البيضاوي من الصورة الي باللون الأخضر)

يبقى دا غصب عنك SIMV (synchronized intermittent mandatory ventilation)

لكن قبل كدا كنا بنقول :

سواءً العيان أخذ ال tidal volume ثابت ,, ال ventilator هو الي إدى بردو ال tidal volume ثابت

لكن ,, ساعة ما ال ventilator يتخلّى عن العيان في ال spontaneous breath الي ابتداها ,,

يبقى دا اسمه SIMV

يقوله : إنت عملت negative pressure بكام ؟؟

يرد ويقول : negative ثلاثة .

يقولك : هديك عليهم 100 .

طب : ولو عملت negative pressure خمسين .

يقولك : هديك عليهم 1000 .

طب : لو عملت Negative pressure ب 200 .

يقولك : هديك عليهم 300 .

وهكذا ,, خلاص ,,

يبقى ال SIMV << بدون ما ال rate بتاع العيان يسبق ال rate بتاع ال Machine

هو CMV (Continuous mandatory ventilation)

طيب ,,

لو ال rate بتاع العيان بدأ يسبق ال rate بتاع ال machine

أبص على ال spontaneous breath ,,

(ال spontaneous breath دي تفتكر ال tidal volume دا حلو ولا أي كلام في الصورة الي كانت معنا ؟؟)

تقولي : والله حلو ..


spontaneous حلو سييه

لو أي كلام ,, حط له pressure support ,, وفي الحالة دي يبقى اسمه Hybrid mode (أو dual mode)

هو SIMV ,, وحاطط عليه pressure support

(Pressure support ,, يعني شلوط سيادتك دفعة للأمام ☺)

بدل ما كانت ال spontaneous breath بيديني عليها 300 ,, حط له Pressure support عليه عشان يوصلها ل 500 ثاني خلاص ؟؟



يبقى الصورة اللي فاتت

دا اسمه SIMV << volume targeted ventilation

والصورة اللي معنا دي ؟؟

SIMV << Pressure targeted ventilation

عرفت إزاي ؟؟

عشان ال curve اللي فيه مربع هو ال Pressure

والعيان ب initiate فيها ولا مش Initiate ؟؟

initiation بيعمل

يبقى ال SIMV << هو alternating ما بين ال mandatory breath وال spontaneous (أو ال supported breath)

على حسب أنا فاتح معاه Pressure support ولا لا ؟

• لو فاتح معاه pressure support : يبقى اسمها supported breath

• لو مش فاتح معاه : يبقى اسمها spontaneous

طيب ,,

عيب ال SIMV إيه ؟؟

زي ما إنتوا شافين كدا ,, بابا إداني جنبه ☺ ,, فتحت بيه الباب ,, خدت بيه كام ؟؟

100 ,,

واللي فات أخذت بيه كام ؟؟

خدت بيه 100

طيب ,, والمية دي تنفعني في حاجة ؟؟

متنفعنيش في حاجة

إدأ ال spontaneous breath دي ,, لا منها ولا كفاية شرها

لا يا حبيبي (دي فيها شر)

هتخلي العيان عنده tachypnea ,, عنده respiratory alkalosis

كل ما يجي يفتح الباب عشان ال ventilator يديله ,, يقوم مديله شوية قليلين

يبقى : بابا إداني جنبه ,, بس أعمل بيه إيه ؟؟ ملوش لازمة

خلاص ؟؟

أومال أنا عايزه يديني دولار ☺

يديني إزاي ؟؟ بإنك تفتح على ال spontaneous breath دي << pressure support

فبدل ما كان يبدله مثلاً مية ,, يديله 300 ولا 400
يبقى ,, ال spontaneous breath ,, بقت supported breath

يبقى ,,

ال SIMV لو ال rate بتاع العيان أد ال rate بتاع ال Machine << اسمه CMV

يشتغل بكام طريقة ؟؟

• يا volume

• يا Pressure

معاه spontaneous breath ولا لا ؟؟

معاه ,, لازم يكون معاه

ال spontaneous breath

• لو معهاش pressure support << اسمها spontaneous

• لو معاه Pressure support << اسمها support

عيب ال SIMV :


بيدخل العيان في respiratory alkalosis

عشان العيان ميدخلش في respiratory alkalosis ,, لازم ترفع ال Pressure support

بس رفعة ال pressure support بيعمل حاجة اسمها over assist

Over assist يعني إيه ؟؟

بيدخل العيان منك في apnea وينيمه (لو محطوط على Pressure support) مش مشكلتنا دلوقتي



الصورة اللي معنا SIMV ومعاه Pressure support

عرفت إزاي إنه volume ؟؟

ال square بتاعي في ال flow


ال eian بيعمل triggering ؟؟

أيوة

عملت augmentation لل tidal volume ؟؟

أيوة

بدل ما كان منظره تعبان وملوش لازمة



الصورة اللي معنا ,,


هنا بقى pressure targeted ventilation ,,

عشان ال square في ال pressure

حطيت هنا Pressure support ومعاه CPAP

(مش إحنا قولنا إن دول adjunctive modes ,, عشان يحافظ لي على ال alveoli

(At the end of expiration متقفلش)



الصورة الي معنا ,,

Volume targeted ventilation
لأن ال square موجود في ال flow

ال SIMV ,, ال patient يعمل فيه trigger
محطوط على Pressure support
ال volume << augmented

يبقى أنا كذا خلصت الثلاثة Modes ,,
Volume, pressure and SIMV

ال CMV ,, ال SIMV ,, كل واحد منهم بيشتغل ب volume أو ب pressure
ال SIMV دا لازم ال rate بتاع العيان يسبق ال rate بتاع ال Machine

ندخل بعد كده ,, على ال spontaneous breath

Spontaneous breath



ال spontaneous breath يعني إيه ؟؟

ال عيان هو ال initiate ويأخذ ,, initiate ويأخذ ,, initiate ويأخذ
دي اسمها spontaneous breath
أوك 😊

دي ال CPAP

هو ال CPAP << mode ؟؟

لا يا عم ,, ال CPAP مش Mode

حاطه هنا ليه ؟؟

الشيء بالشئ يذكر

ال عيان ب initiate و maintain ,, initiate و maintain
ال عيان ب initiate, maintain and terminate

طيب ,,

ال Pressure support ventilation ,,

ال pressure support ventilation ,, العيان هو الي قايم بكل حاجة ,,

ال عيان ب trigger ,, flow ,, cycle


ال Pressure << limited

ال flow cycled << يعني ال flow لما يوصل عند 25 ي terminate

وإحنا قولنا الفرق بين ال Pressure support وال Pressure control

(لو دا Pressure control << يوصل لل base line

لو Pressure support << يوصل عند 25 و terminate أو 75 أو 50 أو غيره)



ال Pressure support ventilation

هدفه حاجتين :

- Augmentation of tidal volume
- Unloading of respiratory muscles

ليه بحط العيان على Pressure support ventilation ؟؟


عشان حاجتين ,, unloading of respiratory muscles ,, augmentation of tidal volume

ال Pressure support ,,

كان بيدي العيان خمسين < 500

لما زودت ال Pressure support < 20 مثلاً < 700 هيدي العيان

ال respiratory muscles بدأت تستريح



الصورة الي معنا Pressure support ,, ومعاه CPAP

يعني at base line مبيوصلش للزيرو

بيوصل ومعاه ال CPAP

وال CPAP فائدته إيه ؟؟

زي ما اتفقنا ,, يحسن FRC ,, ويحسن ال Oxygenation ,, ويقلل ال work of breathing ,, ويحسن ال compliance

ويحسن ال shunt والكلام دا

سهلة كدا ؟؟

ال Pressure support ventilation ,,

ال Patient يعمل trigger ,, flow cycled ,, pressure limited

ال Pressure عمره ما يزيد عن الي إنت حاطه ,, وال cycling بيحصل بال flow

كويس ,,


لكن ,,

ال Pressure support عشان بيتدي ,, خد بالك بقي ,, كلام على المستوى الأعلى شوية

ال Pressure support لو كان العيان عنده auto PEEP ,, أو فاتح له PEEP

لازم ينزل من تحته عشان العيان يقدر trigger يقدر يفتح ال valve ويدخله هواء

(زي ما الدكتور مشاور بصاعه على الصورة)



أول حاجة ,, Over come ال PEEP

وبعد كده ال sensitivity الي إنت حاطتها وهنتفق عليها مع بعض بإذن الله

هنيجي في ال settings دلوقتي ,,

وال rate of rise of pressure عايزه يطلع بسرعة كام ؟ عشان ال rate of pressurization ي equal ال flow

لو إنت عايز ال inspiratory time قليل ,, تخلي ال Rate of pressurization سريع

هبط لل rate of pressurization بتاعك بكام ,, ويوصل عند Pressure كام إنت حاطه 10 ولا 15 ولا 20 و terminate cycle عند 75 ولا 50 ولا 25
وال PEEP الي إنت حاطه هيبقى كام عشان يوصله تاني بعد كده

يبقى هنا ,,

ال Pressure support ,,

لو كان العيان نايم ,, مينفعش يتحط عليه ,, لازم يكون العيان عنده intact drive (يبقى شلوط سيادتك دفعة للأمام ☺)

لو قولتلك : يعني إيه Pressure support ومعرفتش تجاوب بتلت كلمات يبقى إنت مقولتش حاجة ☺
إيه هما التلت كلمات ؟؟

العيان trigger ,, flow cycled ,, Pressure limited
لو مقولتهمش ,, يبقى إنت مقولتش حاجة

عيوب ال Pressure support ؟؟ (إحنا كنا مبسوطين منه زمان)

يقولك : بيعمل أخطر مشكلة في العالم ,, إنه بيعمل Over assist
ويخلي العيان ينام يخش منك في apnea ,, وممكن يعمل missed effort
عايز يفتح ومش عارف بسبب ال PEEP
عشان كدا بدأوا يعترضوا عليه أول حاجة

More than half of patients develop central apnea during pressure support

تاني حاجة ,,

Effect of ventilator mode on sleep quality
وجدوا إن فيه sleep fragmentation
على ال Pressure support

كل دا عشان يلجأوا لل Modes الجديدة ,,

وعشان ال Modes الجديدة تطلع حلوة ,, لازم يطلع عيوب في ال Modes القديمة
لكن ,,

في الحقيقة ال pressure support كان من ال modes ولا يزال

يعني لو قولتلك يا ابني criticize the pressure support ,,

تقولي : والله بيعمل sleep apnea ,, بيعمل sleep fragmentation ,, بيعمل More ineffective effort
كام حاجة ؟؟

ثلاثة

وكان ال definition بتاعه كام حاجة ؟؟

Patient trigger, flow cycled and pressure limited

وكانت مزاياه ؟؟

حاجتين : unloading of respiratory muscles ,, augmentation of tidal volume

بص بقى ,, خلاصة القول ,, الكلام الحلو
أنا عندي فيه عيان passive ,, ولا العيان active ,, ولا العيان partially active
بص بقى اللي جاي ,,
يقولك :

- والله لو كان العيان passive أو partially active يبقى يتحط على CMV
- ولو كان العيان passive أو partially active أو active يبقى SIMV
- طيب ,, ولو كان العيان ولا passive ولا partially active ولازم يكون active ,, يبقى pressure support دي خلاصة القول

نيجي بقى نتكلم على ال new modes
بس قبل ما نروح على ال new modes هنتكلم على حاجتين كدا ,,
ال Pressure control inverse ratio ventilation (PCIRV)
هو عايز يعمل إيه ؟؟
عايز يخلي ال IE ratio ,, بدل ما هي واحد لثلاثة ,, يخليها اتنين لواحد
سهلة ؟؟ إن شاء الله
طولت ال inspiration ,, ولعبت وقصرت ال expiration

طيب ,, **ودا حاجة كويسة ؟؟**
أيوة ,, كويسة ,, في حالة واحدة بس refractory hypoxemia ,, كانوا بيستخدموها زمان في ال ARDS
لعبوا في ال expiration وطولوا ال inspiration
سموها pressure control inverse ratio ventilation
بنروحها إمتى ؟؟؟

في ال refractory hypoxemia ,,
وفي ال ventilator القديمة كنا بنعملها إزاي ؟؟
كنت بخلي ال peak inspiratory flow بدل ما يبقى أربعين وخمسين وستين ,, كنت بخليه 30 liters في الدقيقة
وأفتح ال plateau أخليه ثانية ,, يبقى أنا عمال ألعب في عداد عمر ال inspiration
وال expiration يتحرق بجاز
إلا إذا ,, كان العيان Obstructed



مين اللي معانا في الصورة ؟؟
ال APRV يا راجل 😊
ال airway pressure release ventilation

بيشتغل إزاي ؟؟
دا اسمه CPAP with interruption
دي اسمها الصياغة بتاعت ال mechanical ventilation ,,
أهي CPAP with release ,, بدل ما أفنتل العيان من تحت ,, بقيت بفتنتله من فوق
يعني إيه ؟؟
بص Upside down SIMV

يعني أنا لما كنت أجي بفنتل العيان بال SIMV ,, مش كان بيبقى العيان باديء من الزيرو وأرفع معاه ال Pressure وبعدين لما يحب يتنفس كنت بنزل ال Pressure هنا بقى ,,

العكس ,, العكس ,, أنا باديء معاه من فوق ب high << pressure
ولما يحب يتنفس ,, يبقى ال Low << Pressure
من ال pressure high لل pressure low << دي اسمها inspiratory time
ومن ال pressure low لبداية Pressure high << دي اسمها expiratory time
خد فكرة واشتري بكرة ,, متبقاش زعلان ☺

يعني أنا باديء من فوق ,, وال SIMV كان بيتدي من تحت ويعلى وينزل
لا ,,

أنا هنا في ال APRV باديء من فوق وهنزل ويعلى ثاني

فايدة ال APRV (Airway pressure release ventilation) ؟؟

حاجة واحدة بس ,, إن هنا طول ما ال alveoli << maintained opened
كأني عامل interrupted recruitment

(**مش ال recruitment دي حاجة حلوة ؟؟** أيوة ,, طيب ما تيجي نعملها كل شوية ,, ما هو ال APRV بيعمله)
مش إحنا كنا بنقول : أربعين أربعين ,, أربعين سم مية لمدة أربعين ثانية

هنقولكم الجزء ده من محاضرة للدكتور محمد من ال COVID 19

ويا رب يفيدكم الكلام ,, ولو استفدتوا دعواتكم بقى ☺

أفكر الأربعين أربعين كنا بنقولها في ال recruitment ,,

ال recruitment كنا بنستخدمها بعد ما بنفشل بإن ال PEEP يصلح ال saturation

يعني إيه ؟؟

أنا زي ما اتفقت ب improve oxygenation بتاعي إزاي ؟؟

بإني أحط العيان بتاعي على $Fi O_2$ كويس ,, وكويس دي لفترة مش طويلة (يعني أقل من 24 إلى 36 ساعة ,, عشان مدخلوش مني في Lung

injury بال high $Fi O_2$ for along time) وافتح مع العيان PEEP

يبقى أنا كده فتحت مع العيان PEEP وحطيته على $Fi O_2$ كبير ,, وعملت IE ratio خليتها واحد لاتنين بدل ما هي واحد لتلاتة أو واحد

لأربعة ,, ولو كان محطوط على volume controlled ventilation << بطئت ال peak inspiratory flow

وزودت ال inspiratory pause شوية ,, كل دا عشان أزود ال inspiratory time ,,

عملت كل الكلام ده و still العيان hypoxic ,, يبقى أنا هروح لحاجة من الأتئين ,, يا إما لو كان ب fight << هنيمه وأشوف الأخبار إيه

ولو مكنش ب fight << هجرب ال recruitment <<

ال recruitment << إني أرفع ال PEEP أربعين سم مية لمدة أربعين ثانية ,, وأشوف ال alveoli قامت ولا مقامتش ؟؟

لو قامت ,, Maintain ب high PEEP (الي هو من 12 إلى 20) بعد ال recruitment الي إنت عملتها

وخلي بالك ,,

لو هتيجي تشفط للعيان أو تفصل ال ventilator من وقت للتاني ,, كل مرة هتفصل لازم تعمل ال recruitment

ونرجع ثاني للأستاذ الدكتور محمد النادي ربنا يجازيه كل خير)

مش إحنا كنا بنقول : أربعين أربعين ,, أربعين سنتيمتر H_2O لمدة أربعين ثانية ,,

طيب ,, العيان يتنفس إمتى ؟؟ العيان يتنفس في ال T low

يبقى فيه عندي P low ,, و P high
وفيه عندي T high ,, و T low

ال T high << أنا عايزها طويلة من أربعة لست ثواني
وال T low << من 0.4 إلى 0.6 من الثانية

ال P low << zero

ال P high << من عشرين لتلاتين

بص على السؤال دا كدا وإنت تعرف ,,

Respiratory clinical physician can go to 15 cm H₂O PEEP in this patient

ممکن أحط 15 سم مية PEEP للعيان دا ؟؟

لا ,, that is too high

ال PEEP << 15 << هيفرقع ال alveoli

طيب ,,

إيه رأيك لو عملنا switch to APRV mode with P high of 20 ؟؟

تمام

حد عارف ليه ؟؟

تحط عشرين مفيش مشكلة ,, عشان مش ثابت (أنا مش هحط العشرين دول وأسيبهم) ,, دا العشرين دول هحطهم 4 ثواني ,, وهينزل ي drop بيهم تاني ,, وبعدين يرجع build up عشان يعمل recruitment << again وينزل تاني عشان allow the patient to expire يبقى العشرين دول لا يقارنوا ب 15 مستمرين

طيب ,,

عايز تقول إيه ؟؟

عايز أقولك إن عيوب ال Old modes ,, هو القرف اللي عمالين نشوفه دا

إيه هو ؟؟

إنك عمال تقولي ال resistance وال compliance هيلعبوا

ولما يلعبوا يبقى اللي أنا ظبطه هيبوظ

إيه اللي أنت ظبطه ؟؟

ظبطت pressure << هيديني volume وحش

ظبطت volume << هيديني pressure عالي

وقالك : يا بخت من وفق رأسين في الحلال << هي دي ال New modes

خد بالك بقى ,,

لو سمحت قالك : قامت الدنيا من أجلها ولم تقعد التلاتة S دول

• Synchrony

• Sedation

• Spontaneous weaning

يبقى دا الهدف من ال new modes ,, إنها تحسن ال synchrony ,, وتنقص ال sedation ,, وتخلي العيان يتنفس تلقائياً
بما في ذلك من مشاكل ,, ونشيلها على جنب

هل ال new modes هي اللي هتفرق معنا؟؟

لا ,,

الموضوع معتمد على مهارة اللي بيستخدم ال Mechanically ventilation
عشان نقول ثاني ,, لو استطاعت القروود السيطرة على السيارة ,, بس مش هتقدر تسوق العربية

ال New modes دول عبارة عن إيه؟؟

هقولهم لك بشغل المعلمين ,, وتقرأهم على مهلك

- أنا فيه عندي حاجة اسمها dual modes
- و Modes بتاعت better synchrony
- و automated << modes

ال dual modes ,, اللي هي رافعة مبدأ يا بخت من وفق رأسين في الحلال

إنت عمال تقولي إيه؟؟

عمال تقولي : أنا عيني في ال Pressure ,, أنا عيني في ال volume لكن بحب ال Pressure

بتحب ليه ال Pressure؟؟

تقولي : لأن ال flow فيه decelerating

بتحب ليه ال volume؟؟

تقولي : لأني ثبت اللي داخل

زي ما واحد يقولك كده بالظبط ,, إنت هتفضل تعمل شاي وقهوة وأديك آخر الشهر 200 جنيه
وواحد ثاني يقوله ,, إنت وشطارتك

هتروح لمين؟؟

للي مثبتلك

يبقى هنتكلم على ال dual modes ,,

Dual modes

ال dual modes قالك : أنا هفتتل العيان ,, ب target اسمه volume
و Pressure متغير عشان يحافظ على ال volume

يبقى أنا ضمنت إني هدي volume ثابت ,, ب pressure متغير

عشان كده بيسمو ال Mode دا << the patient is ventilated with pressure, but the pressure is regulated from
breath to breath to try to control the volume

تقولي : from breath to breath أو Intrabreath

بس متضايقش نفسك ,, مش مهم Intrabreath دي ,, Intrabreath دي عامله زي اتنين كانوا بيلعبوا ماتش كورة ,, واتعادلوا
وقبل ما الحكم يصفر ,, إدالهم وقت إضافي ,, أهو اللي بيسموه VAPS (Volume-Assured Pressure Support)

يفضل ماشي ال Pressure ,, ال Pressure ,, ال Pressure ,, يدي volume
لقى ال volume مش هو الي أنا مضط عليه ,, يروح رافع لي ال Pressure في آخر الماتش ,, ممكن يلحق يعدل ال volume
دي بيسموها Intra breath correction (مش مهم)

اللي common أكثر ,,
اللي ب correct ال Pressure << from breath to breath
اللي هي بيسموها PRVC (pressure regulated volume control)

يعني إيه Pressure regulated volume control ؟؟
أنا بقوله : والله أنا ظابط على tidal volume مثلاً 500 ,, ال 500 دول هتديهملي ب 20
يبتدي معاك هو مثلاً ب 7 مجابش ,, 9 مجابش ,, 12 مجابش ,, 20 عشرين
يبقى ي maintain على عشرين

طيب ,,
لو العشرين دي جاية زيادة ,, ينقص شوية
يبقى يسموها : Pressure regulated volume controlled

دا اسمه PRVC ,, أو اسمه volume support ,, أو اسمه auto flow
Whatever الشركة الي عامله اسمها إيه ,, المبدأ ثابت
بثبت target اسمه volume ,, وبغير في ال Pressure
سهل كده ؟؟

كام اسم ليها ؟؟
ثلاثة : Volume-Assured Pressure Support ,, وال PRVC ,, وال auto flow ,, وال volume support
وعندك في الرسومات ,, ال tidal volume ,, ال Pressure يعلى ويوطى ,, ويلعب في ال Pressure
على أساس إنه في النهاية يقدر << assure ال tidal volume
مش إنت قولتلي إن ال compliance عمالة تتغير وال resistance بتتغير
العالي في ال pressure على حسب ال compliance الي بتتغير

حلو ؟؟
تقولي : مش حلو أوي ,, خد بالك من المعلومة دي هليون جنيه

عارف ليه ؟؟
قالك : if the patient minute ventilation ,, تحت أي بند من البنود ,, حب يزود ال tidal volume عن الي إنت حاطه
عارفين إيه اللي بيحصل ؟؟

ال ventilator يتهيأله إن العيان محقق ,, فينقص ال support
فاهمين حاجة ؟؟

أنا بقول Pressure regulated volume control (PRVC) ,, العيان بدأ ي creat negative pressure
عشان محتاج يزود ال Minute ventilation ,, ال ventilator يقوله : الله يخرّب بيتك ,, إنت تعرف تجيب الي أنا كنت بديهولك ,,
يروح منقص ال Pressure support
المعلومة دي هليون جنيه

يبقى هنا إحنا اتفقنا ,, ال PRVC يعني عيان عمال يلعب في ال pressure عشان insure ال tidal volume يعلى بيه كويس ,,

ال volume support قولنا نفس المبدأ ,, زيه ال auto flow

هنا في ال slide الي بعد كده ,,

بيوريك العيان في ال volume assured controlled ventilation (نفس المسمى auto flow)

عايز يقولك : لو لقي العيان بيزود ال volume ,, هو ينقص ال Pressure

طيب ,, ما دي حاجة كويسة ,, يبقى بيرفع الدفع عن غير مستحقه ,,

The higher the demand of the patient, the lower the assist of the ventilator

لا لا لا لا ,, دي مش حاجة كويسة خالص ☹

Good for mechanics, bad for ventilatory demand

وصلت؟؟

Pressure regulated volume controlled

لو العيان زود ال Minute ventilation ,, ال ventilator يقولك دا بقى حلو

لا لا ,, يا عم مش حلو ,, دا محتاج زيادة

تقوله : أه بس كنت مزودك ال tidal volume ,, إنت بقى عايز تزود عنه ,, يبقى ترجع تلعب في ال mechanics وتزودها من أول

وجديد

طيب ,,

يبقى هنا بيوريك في ال slide الي بعد كده

بدأ العيان يزود ال volume ,, وال flow

بس ال pressure بدأ يقل

يبقى رفع الدعم عن مستحقه ,, مش عن غير مستحقه

فدا كويس لل Mechanics ,, لكن bad for the ventilatory demand of the patient

أنا بكلمك على مين؟؟

عن ال new modes

أول Mode فيهم اسمه dual mode << ال dual mode دا كام اسمه ليه؟؟

كثير ,, منهم volume support ,, PRVC ,, auto flow

بيلعب في إيه دا؟؟

بيلعب في ال Pressure ,, عشان ي maintain ال volume ثابت

حلو؟؟

أه ,, حلو

عيوبه إيه؟؟

لو العيان حاول يزود ال Minute ventilation ,, ال ventilator ينقص ال pressure support الي كان بيديه

ظناً منه إنه بيحقق ال tidal volume الي كان متضبط عليه

Better synchrony

فيه modes جديدة اسمها better synchrony ,,
إحنا اتفقنا فيه ثلاثة S إحنا محتاجينهم ,, ال spontaneous وال sedation تقل وال synchronization يتصلح

إيه بقى ال Modes الجديدة بتاعت ال better synchrony ??

إحنا طبعاً زمان كنا بعشق مين ??

ال Pressure support ,,

ال Patient << trigger ,, ال flow cycled ,, ال Pressure limited

ركز بقى معايا ,,

رجعنا طعنا في ال Pressure support ,, قولنا دا بيعمل Over assist

ويعمل ineffective effort ,, وبيخلي العيان مش ينام ,, وفيه central apnea

فراخوا طالعين مين ??

بانهم يحسنوا ال triggering عن طريق حاجة اسمها NAVA ودي هنتفق عليها مع بعض بإذن الله ,, وعن طريق حاجة اسمها PAV proportional assist ventilation

عندي كام حاجة جديدة ??

PAV proportional assist ventilation ,, وحاجة اسمها NAVA

خد بالك ,,

هو إنت قولتلي ال ventilator بتاعك لو Pressure support ,, العيان هو ال trigger ,, بال flow أو بال Pressure يعني هيفتح ال valve ,, وها control ب constant pressure إنت حاطه (10 ولا 15 ولا 20) ,, وها cycle لما ال peak inspiratory flow يقل عن عشرين ولا خمسة وعشرين ,, ثلاثين ,, خمسين أو أيّاً كان
دا ال Pressure support

عيبه كان إيه ??

كان Over assist ,, sleep fragmentation ,, apnea

قالك : عايزين نخش ب two modes أول مرة نسمع عنهم

حاجة اسمها proportional assist ventilation ,, وحاجة اسمها NAVA (Neurally Adjusted Ventilatory Assist)

إيه بقى دول ??

قالك : والله إنت هتقولي ال proportional ,, كلمة Proportional معناها إن إنت ها trigger زي ال Pressure support لكن ,, ال pressure control هيبقى متغير ,, Proportional to the respiratory effort بتاعت العيان

ال respiratory effort بتاعت العيان بتعتمد على إيه ??

على ال resistance وال compliance

عليوا أو وطبوا (زادوا أو قلوا) ,, يبقى ال Pressure support يعلى أو يقل

وي cycle إمتى ??

لما ال flow بتاع العيان يبقى صفر

يبقى دا the best cycling mode you could ever seen

تاني ,,

ال (PAV) Proportional assist ventilation

يبدأ زي ال Pressure support بالظبط ,, لكن ,, ال control مش هيبقى stable (مش Pressure support ثابت)

Pressure support proportional ,, يعلى ويقل according to mechanics ,, according to patient effort

و cycle لما ال flow يبقى صفر (لما العيان يبطل خالص ,, هو ي cycle)

The best mode you could ever seen

حلو ؟؟

حلو

ال ventilator يقيس ال compliance وال resistance << automatically

يبقى اسمه PAV+ ,, لو إنت اللي بتقيسهم يبقى اسمه PAV

طيب ,,

أنا بقيسهم ليه ؟؟

عشان أحدد في ال Mode دا ,, أنا هقوم بكام وال ventilator هيقوم بكام

ال ventilator ها gain كام

لو قولت ال ventilator هيقوم بخمسين ,, يبقى العيان هيقوم بخمسين

لو قولت ال ventilator هيقوم بعشرين ,, يبقى العيان هيقوم بثمانين

سهلة ؟؟

إن شاء الله

يبقى ال PAV شبه ال Pressure support ,, في ال Initiation

ويختلف عنه ,, في إن ال pressure مبقاش constant ,, دا بيعلى ويبوطى ,, according لإسمه

مش اسمه Proportional !?

يبقى according to the proportional effort of the patient

وي cycle مش لما ال peak flow يقل عن 20 أو 25 ,, لا ,, لا ,, ي cycle لما ال peak flow يوصل للزيرو ويبدأ ال expiration

Pressure is proportionate to the patient effort within the breath

(بيسموها automatic adjustment)

بتهيألي بقت حلوة كده ال PAV ,,

وال PAV + ,, لو هو بيحسب ال compliance وال resistance << أتوماتيكياً

سهلة ؟؟

إن شاء الله

خدوا بالكم يا جماعة ,,

دي اسمها Modes of better synchrony

أنا ملعبتش هنا في ال synchrony أوي ,, لكن لعبت في حاجة

إيه هي ؟؟

إن أنا بقول لل Pressure support خليه لو سمحت يتغير according to the compliance and resistance

مش هيعرف يظبطهم من أول وتاني وتالت ورابع نفس ,, كل مرة أقيس فيها ال compliance و resistance

وبعد كده إنت بتيجي تسأل نفسك سؤال ,, هو العيان دا ,, أنا عايز منه إيه ؟!
أنا عايز منه حاجتين :

عايز أقيس ال gain بتاع ال ventilator
وعايز أقيس ال gain بتاع ال patient

ال gain بتاع ال patient هيبقى كدا ,,
لكن ال gain بتاع ال ventilator هيبقى بالزيرو

ما فيه اتنين ,,

هيشغل باتنين ,, بص كدا ,, معلىش لحظة واحدة ,, إنت لما بجيلك العيان دا ,, عنده demand علي
أدامك حاجة من اتنين ,, يا إما تزود ال support ,, يا إما sedate العيان
هنا هتلعب في ال Pressure support عالي وواطي لحد ما تظبط ال gain

هنا بيقولك في ال Proportional assist ventilation
لو ال ventilatory demand زادت بتاعت العيان ,, ال ventilator يزود معاه
على عكس ال pressure support اللي هو ثابت allthrough

بص بقى ,,

عايز تقولي إيه ؟؟

عايز أقولك : ال Proportional assist ventilation gain

دا بيساوي اللي هيبتي العيان بيعمله (ال diaphragm ينزل) باللي ال ventilator هيديه (إنه يزق له Positive pressure)
وهقسم هذا المجهود ما بين العيان وما بين ال ventilator معتمداً على ال equation of gas motion
إنت عايز ال Pressure اللي إنت هتديه volume X elastance ,, أو volume على compliance زائد
ال flow X resistance
اللي هو ال elastic work + ال resistive work

عايز من العيان كام ؟؟

عشرين

يبقى ال ventilator يدي كام ؟؟

ثمانين

عايز من العيان خمسين ,,

يبقى ال ventilator هيدي خمسين

اللي هياخداهم العيان هيبقى بال Pressure support العادي ,, واللي هيديهم ال ventilator هيبقوا بال Pressure support اللي
بيوصل للزيرو
خلاص ؟؟

طيب ,,

أنا بتكلم دلوقتي على ال Modes of better synchrony خدنا منه ال PAV ,, وخدنا ال PAV +
هو PAV وخلاص ,, Proportional assist ventilation ,, وأول ما تسمع كلمة Proportional تبقى تقول Proportional to
respiratory effort made by the patient

قربت أخلص ,, بس عايز أرجعك لدا ,,

Neurally Adjusted Ventilatory Assist ,, بقى ال

بيقولك إيه ؟؟

العيان هييتدي لما ال diaphragm ي contract عن طريق electrode لامس ال diaphragm ساعة ما العيان يبتدي يأخذ النفس ,, ال electrode يقول لل respiratory center إلحق ,, العيان هييتنفس ال respiratory center يقوله : أنا جاهز ,, هديلك يبقى هنا لعب في ال trigger ,, حسن ال trigger

طيب ,,

وال Pressure ؟؟ constant ؟؟

قالك : لا ,,

زبه زي مين ؟؟

Proportional assist ventilation

بيعلو وبيوطى according to the respiratory effort

وال termination ؟؟

قالك : لما ال diaphragm يبطل contractility

مين الأحسن ؟؟ ال termination بتاع ال PAV ؟؟ ولا ال termination بتاع ال NAVA ؟؟

ال termination بتاع ال PAV

قولنا لا يعلو عليه ,, لما ال flow يبقى صفر

لكن ,, في ال NAVA ,, ال termination كان على بال ما يحس إن ال diaphragm بطل ي contract

يبتدي هو يوقف ال Pressure

يبقى دا اسمه إيه ؟؟

Neurally Adjusted Ventilatory Assist

حسن ال trigger ,, ولعب في ال Pressure ,, وحسن ال cycling

دي ال NAVA يا جماعة ,,

أنا بحط ال electrode بيحس ال diaphragm ,, ويبتدي ي start مع ال In

و terminate مع ال Out

وهنا ال support بيلعب فوق وتحت على حسب ال gain الي إحنا اتفقنا عليه

زي ما سيد مكاوي بيقول : ماتفوتنيش أنا وحدي أفضل أحايل فيك متخليش الدنيا تلعب بي وبيك خلي شويه عليا وخلي شويه عليك

خلي شوية عليا وخلي شوية عليك

شوية عليا ,, الي هما ال ventilator بيعملهم ,, وشوية عليك الي هو العيان بيديهم

According to the gain of the patient and the gain of the ventilator

لكن ,,

ال NAVA فيها مشكلة ,, إن ال gain بتاعها مش عارفين نحسبه لغاية دلوقتي

عشان كده ال Modes دي مش Popular أوي

لكن ,,

لو أنا قولتلك : modes of better synchrony ؟؟

تقولي : اتنين ,, PAV و PAV+ ,, وال NAVA

PAV ,, في ال trigger مفرقش عن ال pressure support
لكن فرق عن ال Pressure support إنه بعد كده بيعلى ويبوطى Proportional to respiratory effort
وال termination اتحسن جداً ,, لأنه بقى على حسب ال respiratory flow يقل للزيرو هو بيقف تماماً

ال NAVA ,,

مع ال contractility بتاعت ال diaphragm بيتدي ,, ومع ال absence of contractility يقف
وال Pressure بردو بيلعب فوق وتحت على حسب شوية عليا وشوية على العيان

آخر New mode معنا

Automated

يعني إيه automated mode ؟؟

خدوا بالكم يا جماعة ,, ما هو الهدف من وراء ظهور ال automated mode ؟؟
برا بيقولك : إحنا عمالين نعمل رعايات مركزات كثيرات ومعندناش طبيبات ماهرات شاطرات ☺
المشكلة دي بيعانوا منها وبرأ ,,

يقولك : دلوقتي أنا بفتل العيانين ,, وبرميهم ,, وبيفضلوا مرمين لحد إمتى !!؟؟

عرفتوا إيه الفكرة من ال automated mode ؟؟

إن عدد الدكاترة قليل ,, والرعايات زادت

فهو عايز يخترع Mode ,, يبقى مع نفسه

وبردو سبحانه الله ,, عمر ما حد هيقدر يوصل للي ربنا خلقه

ال ASV ,, دا اسمه هدف ,, أنا بسعى وراء هدف

إيه هو الهدف ؟؟

ال ASV ,, اسمه adaptive support ventilation

أنا بحط لك نقطة ,, وبقولك : أنا عايزك توصلها ,, النقطة دي اسمها minute ventilation

خلاص ؟؟

هتوصلها بإيه ؟؟

ب respiratory rate ,, وب tidal volume

لو بعدت عنها ؟؟

ال respiratory rate ,, وال tidal volume

لو قربت منها ؟؟

ال respiratory rate ,, وال tidal volume

Automatic

سهلة ؟؟

يبقى إنت بتلعب في عداد عمرك عن طريق مين ؟؟

ال Minute ventilation ,, setting في ال

وال target بتاعي ,, أنا بقول العيان ده وزنه كام وطوله كام وال respiratory rate ال Normal بتاعه كام

يبقى ال respiratory rate في ال tidal volume يطلع كام
يبقى ال Minute ventilation بتاعه 6 لتر في الدقيقة
أجي لل ventilator وأقوله 6 لتر في الدقيقة ,, لو سمحت ☺

يبتدي ال ventilator يلعب في ال respiratory rate وال tidal volume
يقرب أو يبعد على حسب ,, لحد ما يقابل العيان في النقطة اللي أنا محددتها ليه
يبقى دا اسمه automated mode
سهلة ؟؟
إن شاء الله

لو وصل للنقطة دي ,, يبقى النقطة تمام ,, ابتدي أقلل ال minute ventilation تدريجياً
والعيان بيشغل معاه ,, دا ال adaptive support ventilation
العيان أنا بحطه النقطة دي ,, وهو يلعب في داخل هذا المربع

تاني نوع ,, اسمه automated control of pressure support
هو بسيط جداً جداً ,, دا automated mode for weaning
بيقول إيه ؟؟

أنا بحط العيان على pressure support ,, لو ال compliance وال resistance بتاع العيان وحشين
ال Pressure support هيعلى ,,
طيب ,,

لو ال compliance وال resistance بتوع العيان حلوين ,,
ال pressure support هيقول
ولو قل ال Pressure support << وفضل قليل يبقى العيان ده ممكن نعمله weaning
سهلة ؟؟

لو وصلت بال Pressure support لحد مستوى معين ,, وفضل زي ما هو موجود
يبقى العيان ده weanable
عشان كده سموها automated weaning
خلاص ؟؟

يبقى ال Pressure support يتغير according to the compliance and resistance
ولو لقيته اتغير نزولا وثبت على هذا النزول
يبقى اسمه automated smartCare (اسمه NéoGanesh system)
يلعب في ال Pressure support ,, ولو فضل ال Pressure support واطي يقدر يحافظ عليه
طيب ,,

إنت كنت بتلعب في ال minute ventilation << ال respiratory rate وال tidal volume
مينفعش كمان تلعب لي في ال oxygenation (ال Fi O₂ وال PEEP) ؟؟
قالك : ينفع ,,

لو لعبت في ال Fi O₂ وال PEEP ,, يبقى إنت حسنت ال Oxygenation
ولو لعبت في ال carbon dioxide (عن طريق ال respiratory rate وال tidal volume) يبقى إنت حسنت CO₂
دا يسموه intelligent mode (أو INTELLiVENT mode) ودا يبقى آخر Mode بالنسبالي

يبقى هنا يقولك :
الحياة قد تتعثر ولكنها لا تتوقف ,, والأمل قد يختفي ولكن لا يموت أبداً ,, والفرص قد تضع ولكنها لا تنتهي ,, ومهما ضاقت الدنيا ففرج الله قريب

يمكن بقاء لو سمحت لحظة معايا عشان أتم لكم ال Modes اللي مدياك ,,
ال Modes :

- يا قديمة
- يا جديدة

القديم : القديمة تحلى ولو كانت وحلة ☺

فيه عندي كام Mode قديم ؟؟

فيه عندي Pressure ,, و volume ,, وفيه عندي partial و total

ال Pressure وال volume يا assist ,, يا controlled

بعرفهم إزاي ؟؟

بال trigger

وبعرف دا volume ولا Pressure إزاي ؟؟

بسلام مربع للجدران ☺

ال SIMV يساوي CMV

لو ال rate بتاع العيان أد ال rate بتاع ventilator

لو بدأ يسبق ,, يبقى اسمها spontaneous breath

لو تعبانة ,, افتح لها Pressure support << تبقى supported breath

يبقى دول الثلاثة

ال definition بتاع ال Pressure support ,,

Patient << trigger, flow cycled, pressure limit ,, شكراً

خش على الثلاثة الجداد ,,

أول حاجة اسمها dual modes ,, عيني فيه وإخيه عليه

حتى بتقولي ال pressure حلو عشان ال flow decelerating ,, وعيبه إنه targeted volume متغير

يبقى لو سمحت ,, هاتي حاجة maintain volume ,, وتحرك عليها Pressure

Pressure regulated volume control (PRVC) ,, auto flow ,, volume support

Pressure assisted ventilatory support

عيبه إيه ؟؟

إن ال ventilator لما يحس إن العيان عايز يأخذ minute ventilation عالي ,, يروح منقص ال support بتاعه

غبي ☺ أدي أول واحد

ثاني واحد ,, Mode toward better synchrony

ال Pressure support قولنا دا فيه القطط الفطسانة ,, اللي over assist ,, sleep fragmentation ,, apnea

خدنا مين مكانه الحلو الجميل؟؟

ال PAV وال PAV + << Proportional assisted ventilation
ب trigger زي ال pressure support ب flow أو Pressure
لكن ..

لما يجي يعمل ال Pressure .. يعلى ويوطى according to proportional the patient effort
وي cycle لما ال flow يوصل للزيرو

ال NAVA شبه ال PAV ..
بس ال NAVA بتعتمد على contractility بتاعت ال diaphragm (ال in وال Out)
في ال inspiration (initiation) وال cycling
خلاص؟؟

يبقى ناقص لي ال automated mode
ال automated mode .. اخترعوهم ليه؟؟
عشان يلغوا بيها ال Personal factor

مين هما؟؟
ال Adaptive support ventilation (ASV) .. أو ال smartCare
ال adaptive support ventilation << بحد Minute ventilation للعيان وبقول لل ventilator العب حواليه وجيبه
خلاص؟؟

طيب .. وال smartCare؟؟
ال Pressure support لو وصله .. maintained وبدأ يقل و maintained << يبقى العيان ده ممكن نعمله weaning
اسمه NéoGanesh

وفيه حاجة اسمها Intellignet .. أو intelligvent .. دي بتلعب على carbon dioxide و respiratory rate
ومعايا كمان ال oxygen << ال FiO₂ وال PEEP
فبدل ما أنا كنت بلعب على ال ventilation .. بقيت ألعب على ال ventilation وال Oxygenation
سهل؟؟
إن شاء الله

ال BiPAP يا جماعة ..
ما هو إلا Pressure support ومعاه CPAP ..
يعني فيه عندي CPAP << continuous positive airway pressure وأحط عليه Pressure support
يبقى في ال inspiration << pressure support + CPAP
وفي ال expiration << CPAP alone

ال PAV وال PAV +
ال PAV << ال Pressure support << بيعلى ويوطى بس أنا اللي بظبطه مبدئياً على حسب ال Patient effort كا compliance
و resistance (يعني أنا اللي بحسبه)
لو ال ventilator هو اللي بحسبه أتوماتيك << بيسموها PAV +

خلي بالكم يا جماعة ..

أنا في ال volume يا جماعة .. ال flow يبقى constant
ساعات يقولي : عايز ال flow يبقى decelerating ولا squared ولا sine ؟؟
هو في الحقيقة سواءاً دا .. سواءاً دا .. سواءاً دا
هيطلع square في الآخر

أقنى تكون ال Modes بقت واضحة ..

طبعاً فيه حاجة اسمها pressure limit متنساش .. يعني say مثلاً بقول : أنا عايز أحقق tidal volume < 500
إنت بتقوله : ال Minimal pressure وال maximal pressure (عايز مثلاً عشرين)

العشرين مثلاً دول plus or minus عشرة

يعني يعلى لحد ثلاثين ويقل لحد عشرة ولا يسمح بالتجاوز عن ذلك .. يعني هو مش هيلعب براحته في ال Pressure عشان يحقق ال 500
بيلعب withing limit

لله الفضل والمنة والثناء الحسن

تم الإنتهاء من تفريغ محاضرة الأستاذ الدكتور محمد عبدالحكيم النادي

يا رب تفيدكم .. وعذراً لو كان فيه أي خطأ غير مقصود

الساعة دلوقتي الواحدة و 53 صباحاً يوم 23 أبريل 2020

The excellence of this tafreegh does not only lie in its simple read, understand and recall way, but in the fact that it was written with the love of giving and passing knowledge. Graciously accept this tafreegh, for as we can only give ourselves by giving away to others.

لمزيد من المواد المفرغة

على الفيس بوك

صفحة تفريغ المواد الطبية

 /dr.tafreegh

www.facebook.com/dr.tafreegh3

نحبكم في الله

إذا عجبك أي شيء متفرغ تابع لصفحة أو جروب

تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم إن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

سلام بقا ☺